



Nivi Olsen

Inatsisartuni ilaasortaq, Demokraatit

Apeqqummut § 37 naapertorlugu suliaasumut nr. 296-imut akissut, - ilinniagassat taamaatiinnarneqartut pillugit

12-09-2019
Sagsnr.2019-18969
Dok. nr. 10941081

Asasara Nivi Olsen,

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Qujanaq apeqqutigisannut, Inatsisartut suleriaasianni aalajangersakkat naapertorlugit saqqummiussannut. Taakkua uani ataani akissuteqarfigissavakka.

Apeqqut 1: *Nunat tamat akornanni niuerneramik bachelorinngorniarfik aamma Aningaasaqarnermik nukissatigullu sillimmatinik aqutsinermik bachelorinngorniarfik pillugit Isumaqatigiissut sunarpiaava 2017-mi ukiakkut Naalakkersuisut Niuernermillu Ilinniarsiup isumaqatigiissutigisimasaat?*

Akissut:

Aallarniutugalugu ilisimatitsissutigineqassaaq ilinniartitaanerit pineqartut nutaat marluk aallartinneqarnissaat pillugu immikkut isumaqatigiissuteqartoqarsimangimmat.

Ilinniartitaanermik Naalakkersuisoqarfiup aamma NI Nuuk siulersuisuisa akornanni november 2017-imi oqaasiinnartigut isumaqatigiissutigineqarpoq sulissutigineqassasoq NI Nuummi pilersitsinissamik periarfissaq erhvervsakademi-mik, tamatumani aamma niuernermit BA-mik ilinniartitaanernik pilersitsisoqarsinnaanissaa.

NI Nuummi siulersuisut naliliinerat naapertorlugu ilinniartitaanernik pineqartunik pilersitsinissat periarfissaassapput 1. januar 2019-imiit, BA-mi hold-inik siullernik august 2019-imi aallartitsinikkut, pissutsit assigiinngitsut inatsisinut, aningaasaqarnermut aammalu fagitigut sammisassanut tunngasut tamarmik qulaajaavineqarsimappat aalajangersarneqarsimallutillu. Pissutsit pineqartut suli qulaajaavigalugit naammassineqanngillat.

Inatsisitigut, aningaasaqarnikkut aamma fagitigut kingunerisassai qulaajarumallugit, suliassap tigussaanagerusumik aaqqissuunnissaa sioqqullugu, immaqalu ilinniartitaanerit neqeroortutigineqarumaarneri sioqqullugit, aalajangiunneqarpoq suleqatigiissitamik 2018-imi pilersitsisoqarnissaa, pissutsit siuliani eqqaaneqareersut qulaajarnissaannik aaqqissuussaaneermilu unammilligassat suussusilersornissaannik siunertaqartumik, erhvervsakademi-mik immaqqa pilersitsisoqannginnerani. Suliassamut piffissaliussaq tassaasimavoq 2019-ip upernaava, pisariaqarpat allannguutissanik imaluunniit inatsisitigut killiliussassanik nutaanik Inatsisartut upernaakkut 2019-imi ataatsimiinneranni saqqummiussisoqarsinnaaqqullugu. Taamaattorli suli maanna suleqatigiissitassap suliassanut allassimaffik suliarineqarpoq, taamaattumillu suleqatigiissitaq suli

sulilersimanani. Tamanna tunuliaqutaralugu Naalackersuisoqarfiup tungaaniit ilimagineqarsimangilaq BA-mi ilinniartitaanernik august 2019-imi neqeroortitsisoqarnissaa aallartitsisoqarnissaalu. Suli pilersaarutigineqarpoq siuliani siunertaasoq tunngavigalugu suleqatigiissitamik pilersitsinissaq.

Apeqquut 2: *Sunarpiaq pissutaava ilinniagassat marluk aallartinnissaannut atortussat aningaasalluunniit akuersissutit isumagineqarsimanginnerannut, 2017-mi isumaqatigiissutigineqarsimappat, ilinniakkat aallartinneqartussaasut?*

Akissut:

NI Nuuk amigaateqarpoq aningaasaliissutissanik ingerlatsinissamullu tunngavissanik bachelorinngorniarluni ilinniartitaanerit pineqartut marluk aallartinnissaannut.

Ilinniartitaanerit pineqartut marluk neqeroorutigineqarmata Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq suli atuutilinngilaq. Qaffasinnerusumik ilinniartitaanerit pillugit inatsit aatsaat atuutilerpoq 1. august 2019. Taamaattumillu ilinniartitaanernik neqerooruteqarnermi inatsit tunngavigineqartoq nassaarineqartariaqassalluni Inuussutissarsiuutinik ilinniartitsinerit aamma inuussutissarsiuutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi, kingullermik allanngortinneqartumi Inuussutissarsiuutinik ilinniartitsinerit aamma inuussutissarsiuutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisaat nr. 6, 6 juni 2016-imeersumi (inuussutissarsiuutinut ilinniartitaanernut inatsit).

Qaffasinnerusumik ilinniartitaanernik neqerooruteqarneq inuussutissarsiuutinut ilinniartitaanernut inatsimmi § 5, imm. 6 naapertorlugu Naalackersuisut akuersereernerisigut qitiusumik ilinniarfinit neqeroorutigineqarsinnaapput, ilinniarfiup ilinniartitaanerit suliassaasa iluaniittoq pineqartillugu, ilinniartitaanernillu assingusunik Kalaallit Nunaanni ilinniarfinni allani neqerooruteqartoqartanngippat.

Ilinniartitaanernik pilersitsisarnermut atatillugu inuussutissarsiuutinut ilinniartitaanernut inatsimmi § 5, imm. 1-imi aalajangersarneqarpoq Naalackersuisut akuersissutigisaraat ilinniartitaanernik nutaanik pilersitsisoqarnissaa, ilinniartitaanernillu taamaatitsinnaallutik. Ilinniartitaanernillu pilersitsinissaq taamaasilluni Naalackersuisunit akuerineqarsimasussaagualuarpoq (Naalackersuisoqarfimmiit).

Akuersissuteqartarneq pillugu inuussutissarsiuutinik ilinniartitaanerit pillugu inatsimmi § 5, imm.- 3-mi aamma ilinniakkamik akuersissuteqarnissamut piumasaqaataavoq ilinniartitaanermut pilersaarusiit aammalu ilinniarnerup ingerlanneqarnissaanut aqqissuussineq Naalackersuisunit naammassillugit suliarineqarsimasutut tiguneqareersimanissaat. Aalajangersakkamullu nassuiaatitut oqaaseqaatini ersippoq tamanna isumaqartoq ilinniartitaaneq pineqartoq akuerineqarsinnaangitsoq ilanngullugu nassiunneqarsimasoq ilinniartitaanermut pilersaarusiaq missingersuusiaannaappat, imaluunniit suliamut atatillugu pappialaataappat oqaluusereqqitassaq. Naalackersuisoqarfiup ilinniartitaanermik aqqissuussineq akuerisassatut 9. Juli 2019 tiguaat, tassalu tamanna ilinniartitaanerup neqeroorutigineqareernerani pilluni.

Tigussaasumik atortussat akuersissutigineqarsimanginnerat taamaasilluni tassaavoq ilinniartitaanerit Naalackersuisunit akuersissutigisaanginneri, tak. piffissami pineqartumi

ilinniartitaanerit neqeroorutigineqarfigisaanni malittarisassat ilinniartitaanernut inatsimmi tamanna pillugu aalajangersagaasut.

Taaneqareersullu saniatigut Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersumi § 8-mi ersippoq Aningaasaliissuteqartoqaaqqartinnagu aningaasartuuteqartoqassanngilaq aamma isertitaqartoqassanngilaq, taamaattoq tak. § 23, imm. 2. 2019-imut aningaasanut inatsimmi aningaasaliissutinik immikkoortitsisoqarnikuunngilaq bachelorinngorniarluni ilinniartitaanernut, taamaattumillu aningaasaliissutitigut pisinnaatitsisoqarani ilinniartitaanerik neqerooruteqarnissamut. Naalakkersuisoqarfiup ilinniartitaanernut aningaasartuutissanut 2019-imut missingersuusuaq siulleq tiguua ulloq 8. august 2019.

Apeqqut 3: *Naalakkersuisut uppersarsinnaanerlugu ilinniartitaanermut Naalakkersuisoqarfiup Niuernermik Ilinniarfik 2017-mi ataavartumik attavigisarsimagaa ilinniakkat marluk nutaat pineqartut aallartinnissaa pillugu?*

Akissut:

Ilinniartitaanermut Naalakkersuisoqarfik ingerlaavartumik NI Nuummik oqaloqateqartarsimavoq erhvervsakademimik, tamatumanilu aamma BA-mik ilinniartitaanerik ineriartortitsinissaq aamma pilersitsinissaq pillugit.

Apeqqut 4: *Naalakkersuisut isumaat naapertorlugu kiap akisussaaffigaa ilinniartut aqqaneq-marluk ilinniarusutaminnik aallartitsisinnaannginnerat aamma Naalakkersuisut isumaat naapertorlugu akisussaasumut akisussaasunulluunniit qanoq kinguneqartitsisoqartariaqarpa?*

Akissut:

Naalakkersuisut piffissami matumani utaqqivaat misissuinerimik naammassisaqarnissaq, qulaajaasussamik suliap ingerlasimaneranik. Misissuineq suliap ingerlariaqqinnissaanut tunngaviliissaaq.

Apeqqut 5: *Naalakkersuisut suliamut tunngatillugu allanik soqutiginaateqarsinnaasunik paasissutissiisnaappat?*

Akissut:

Ilinniartitaanermut, Kultureqarnermut Ilageeqarnermullu Naalakkersuisoq aamma NI Nuummi siulersuisut tallimanngornermi 30. August 2019 ataatsimeeqatigiipput, inunnik eqqorneqartunik ilitsersuinissaq, aammalu siunissami NI Nuummi ilinniartitaanikkut neqeroorutinik ineriartortitsinissaq immikkut sammillugu. Ilinniartitaanermut Naalakkersuisoqarfiup NI Nuummut peqqussummini ilinniartitaanerit pineqartut unitsinneqarnissaannik aamma erseqqissaatigaa ilinniarfiup ilitsersuinissamut pisussaaffeqarnera, ajoqusineq annikinnerpaaffissaminiitsikkumallugu, taamalu NI Nuummiit qularnaaqqullugu pisumi attorneqartut tamarmik ilitsersorneqassasut suliffissanut imaluunniit ilinniakkanut allanut.

Tamatumalu saniatigut eqqaaneqassaaq Naalakkersuisut ilinniartitaanermik ingerlatsiviit kissaataanni ilinniartitaanernik ineriartortitsinissanik tapersersortarmatigit. Pisariaqarpoq ilinniartitaanerit ingerlatagut ilikkagassatigut – fagitigut – aamma pitsaassutsimikkut naleqquttuullutillu ullutsinnut naapertuuttuusarnissaat, taamaattorli pisariaqarluinnarpoq inatsisit atuuttuusut malinneqarnissaat.

Inussiarnersumik inuulluaqqusillunga



Ane Lone Bagger